

外戚世家序

史记

自古受命帝王、及继体守文之君、

继体、谓继先帝之正体。守文、谓守先帝之法度。

非独内德茂也、盖亦有

外戚之助焉。

外戚、纪后妃也。后族亦代有封爵、故曰外戚。○总提一句。

夏之兴也以涂山、

涂山、国名。禹娶涂山氏之女。○受命。

而桀之放也

以妹喜。

桀伐有施、有施氏以妹喜女焉。○继体。

殷之兴也以有娥、

嵩、○有娥、国名。帝喾娶其女简狄为次妃、生契、为殷始祖。○受命。

纣之杀也嬖妲

己。

纣伐有苏、有苏氏以妲己女焉。○继体。

周之兴也以姜原及大任、

壬、○帝喾元妃、有邰氏之女曰姜原、生后稷、为周始祖。太任、文王之母。○受命。

而幽王

之禽也、淫于褒、姒。

同擒

褒姒、褒国之女。姒、姓也。○继体。○序三段。顶受命继体之君。而一正一反、句法变化。

故易基乾坤、诗始关

雎、书美釐、降、

虞书、釐降二女于妣湏。釐、理也。降、下嫁也。妣湏、妣水之北、舜所居也。言先料理下嫁二女于妣水之湏也。

春秋讥不亲迎。

去声、○春秋隐二年、纪履繻来逆

女。公羊曰、外逆女不书。此何以书、讥也。何讥尔、讥始不亲迎也。

夫妇之际、人道之大伦也。礼之用、唯婚姻为兢兢。

即五经。点五段。

夫乐调而四时和。阴阳之变、万物之统也、可不慎与。

又补出乐。以完六经。

人能

弘道、无如命何。

根上六经。

起下妃匹。

甚哉妃匹

同配

之爱、君不能得之于臣、父不能

得之于子、况卑下乎。

因命字、起下两段。

既欢

同欢、

合矣、或不能成子姓、

子姓、子孙也。○指惠帝后、薄皇后、陈皇后、慎

夫人、尹姬。

能成子姓矣、或不能要

平声、

其终、

指戚夫人、王皇后、栗姬、王夫人、李夫人。

岂非命也哉。

结住命字。下即转。

孔

子罕称命、盖难言之也。非通幽明之变、恶能识乎性命哉。

又以性命并言、即孟子命也有性焉之意。

齐家治国、王道大端、故陈三代之得失、归本于六经、而反覆感叹、以天命终焉。全篇大旨、已尽于此。孔子罕称命一转、恐人尽委之于命、而不知所以劝戒、故特结出性命之难知、盖欲人弘道以立命也。此史公言外深意、不可不晓。